

# 《金剛經》 第一講 生命的意義

胡健財/113.2.25

1. 爾時，世尊食時，著衣持鉢，入舍衛大城乞食；於其城中，次第乞已，還至本處。飯食訖，收衣鉢，洗足已，敷座而坐。
2. 善男子、善女人，發阿耨多羅三藐三菩提心，云何應住？云何降伏其心？
3. 所有一切眾生之類，……我皆令入無餘涅槃而滅度之。如是滅度無量無數無邊眾生，實無眾生得滅度者。
4. 復次，須菩提！菩薩於法，應無所住，行於布施。……若菩薩不住相布施，其福德不可思量。

### ◆ 問題討論：

1. 《金剛經》的法會因由。
2. 須菩提向佛問了哪兩個問題？
3. 佛如何回答須菩提的兩個問題？
4. 度眾而無度眾相，布施而無布施相，這是「福慧」之所在，請加以說明。

### ◆ 經文：

|            |  |
|------------|--|
| 《金剛般若波羅蜜經》 | 如是我聞：<br>一時，佛在舍衛國祇樹給孤獨園，<br>與大比丘眾千二百五十人俱。  |
| 法會因由分第 1   | 爾時，世尊食時，<br>著衣持鉢，入舍衛大城乞食；<br>於其城中，次第乞已，還至本處。<br>飯食訖，收衣鉢，洗足已，敷座而坐。  |
| 善現啟請分第 2   | 時，長老須菩提在大眾中，<br>即從座起，偏袒右肩，右膝著地，<br>合掌恭敬，而白佛言：<br>「希有世尊！<br>如來善護念諸菩薩，善付囑諸菩薩。<br>世尊！<br>善男子、善女人，發阿耨多羅三藐三菩提心，<br>云何應住？云何降伏其心？」<br>佛言：「善哉！善哉！須菩提！<br>如汝所說：『如來善護念諸菩薩，善付囑諸菩薩。』<br>汝今諦聽！當為汝說。 |

|                 |  |
|-----------------|--|
|                 | <p>善男子、善女人，發阿耨多羅三藐三菩提心，<br/>應如是住，如是降伏其心。」<br/>「唯然。世尊！願樂欲聞。」</p>  |
| <p>大乘正宗分第 3</p> | <p>佛告須菩提：<br/>「諸菩薩摩訶薩，應如是降伏其心：<br/>所有一切眾生之類——<br/>若卵生、<br/>若胎生、<br/>若濕生、<br/>若化生；<br/>若有色、<br/>若無色、<br/>若有想、<br/>若無想、<br/>若非有想非無想，<br/>我皆令入無餘涅槃而滅度之。<br/>如是滅度無量無數無邊眾生，實無眾生得滅度者。<br/>何以故？<br/>須菩提！<br/>若菩薩有我相、人相、眾生相、壽者相，<br/>即非菩薩。」</p>  |
| <p>妙行無住分第 4</p> | <p>「復次，<br/>須菩提！<br/>菩薩於法，應無所住，行於布施。<br/>所謂不住色布施，不住聲香味觸法布施。<br/>須菩提！<br/>菩薩應如是布施，不住於相。<br/>何以故？<br/>若菩薩不住相布施，其福德不可思量。<br/>須菩提！<br/>於意云何？<br/>東方虛空，可思量不？」<br/>「不也，世尊！」<br/>「須菩提！<br/>南西北方四維上下虛空，可思量不？」<br/>「不也，世尊！」<br/>「須菩提！<br/>菩薩無住相布施，福德亦復如是不可思量。<br/>須菩提！<br/>菩薩但應如所教住。」</p> |